

# UDRUŽENJE POLJOPRIVREDNIKA BIH SARAJEVO

---

- Savjet ministara BiH
- Ministarstvo spoljne trgovine i ekonomskih odnosa BiH

**Predmet:** Zahtjev za uvođenje privremene mjere zaštite domaće proizvodnje od prekomjernog uvoza govedeg mesa

U skladu sa Zakonom o spoljnotrgovinskoj politici Bosne i Hercegovine („Službeni glasnik BiH”, broj 7/98 i 35/04) i provedbenim aktima donesenim na osnovu ovog Zakona, Udruženje poljoprivrednika Bosne i Hercegovine koje zastupa poljoprivredne proizvođače cijele teritorije zemlje, i čiji zajednički obim proizvodnje u oblasti stočarstva unutar carinske teritorije Bosne i Hercegovine predstavlja veći dio domaće proizvodnje, ovim podnosi zahtjev za uvođenje privremene mjere zaštite domaće proizvodnje od prekomjernog uvoza.

Zahtjev za privremeno uvođenje specifične carine se odnosi na uvoz govedeg mesa, svježeg ili rashlađenog porijeklom iz Evropske unije, odnosno zahtjev za smanjenje margina povlastica predviđenih SSP za navedeni proizvod, do iznosa koji odgovara MFN specifičnoj carini, u odnosu na iznose iz sad važeće Carinske tarife za 2019. godinu (“Službeni glasnik BiH”, broj 95/18).

Uvođenje mjere se traži radi rješavanja poremećaja na tržištu govedeg mesa uzrokovanih povećanjem uvezenih količina i sniženim uvoznim cijenama govedeg mesa ispod nivoa koji nepovoljno utiče na konkurentnost domaćih proizvođača i koji dovodi do opasnosti smanjenja i potpunog prekida tova, predlaže se privremena mjera uvođenja dažbina na uvoz govedeg mesa iz Evropske unije na carinsku teritoriju Bosne i Hercegovine za tarifne oznake 0201 20 30 00 i 0201 20 30 10 u trajanju od 60 dana.

#### Obrazloženje:

Proizvodnja govedeg mesa u Bosni i Hercegovini je bazirana na tovu teladi, junadi i bikova, koje karakteriše kontinuirani trend smanjenja grla u tovu kao i manja isporuka klaonicama. Ovu proizvodnju prati stalno smanjenje potražnje i otkupa žive stoke domaćih klaonica i preradivača, kao i značajno povećanje uvoza svježeg govedeg mesa iz Evropske unije po relativno niskim uvoznim cijenama. U posljednjih pet godina vidljiv je stalni debalans između nivoa domaće proizvodnje tovnih grla i potreba, uz stalno povećanje uvoza govedeg mesa iz EU, te variranje broja uvezenih živih grla. Tokom prošle, a posebno 2019 godine, prodaja žive junadi u Bosni i Hercegovini se odvija otežano i u vrlo malom obimu, zbog čega je došlo do pojave većeg broja utovljene junadi za klanje koje nema ko da otkupi. Najveći problem farmerima predstavljaju junad težine preko 800 kg čija ishrana do ove mase apsolutno nije rentabilna, naprotiv farmeri koji imaju ovakvu junad su već sada u velikom gubitku.

Do ove situacije je došlo zbog uvoza junećeg mesa po jako niskim cijenama što je stvorilo nepoštenu trgovačku praksu sa kojima domaći proizvođači ni u kom slučaju ne mogu biti konkurentni. Nisu nam poznati razlozi za uvoz mesa po izuzetno niskim cijenama, zašta bi nadležne državne službe trebale da istraže kako ne bi došlo do totalnog propadanja domaće proizvodnje, a kao krajnji rezultat toga došlo bi do gubitka prehrambene sigurnosti stanovništva u Bosni i Hercegovini. Zbog svega navedenog molimo Vas da uvažite naš zahtjev i hitno uvedete mjeru zaštite domaće proizvodnje u vidu privremenog uvođenja specifične carine koje su bile prije potpisivanja Sporazuma o stabilizaciji i pridruživanju sa Evropskom unijom i sporazuma CEFT-a. Ovim takođe u potpunosti podržavamo dogovor ministra spoljne trgovine i ekonomskih odnosa sa entitetskim ministrima koji je postignut na zajedničkom sastanku u Sarajevu, i nadamo se da će vlast raditi za domaće proizvođače, a ne za uvozni lobi.

Po podacima kojima raspolažemo u Udruženju, u Bosni i Hercegovini ima oko 20 000 junadi koja su tržišni višak, a što je apsurd ako se uzme u obzir da je samo u ovoj godini do sada uvezeno skoro 30 000 tona junećeg mesa (što je ekvivalent za najmanje 50 000 junadi). Ova činjenica neminovno dokazuje da zbog uvoznog mesa proizvođači nisu mogli prodati junad na domaćem tržištu. Značajan pad količina proizvedenog govedeg mesa bilježi značajniji pad još od 2016., a tokom 2018. godine su se desili izraziti poremećaji u proizvodnji i na tržištu BiH u sektoru proizvodnje i prometa goveda i govedeg mesa. Ovi poremećaji su posljedica, prije svega liberalizacije BiH tržišta za uvoz poljoprivrednih proizvoda iz EU i povećanog uvoza svježeg govedeg mesa u Bosnu i Hercegovinu, kako za mesnu prerađivačku industriju, tako i uvoza svježeg ili rashlađenog mesa za redovnu potrošnju, što je dovelo do stagnacije, a krajem 2019 i potpunog zastoja otkupa tovnih grla iz domaćih izvora.

Dodatno, uprkos poskupljenju proizvodnje, otkupna cijena žive utovljene stoke na domaćem tržištu je značajno snižena, jer domaća meso prerađivačka industrija i tržišni prodajni lanci odustaju od nabavke iz domaćih izvora, svoje potrebe podmiruju uvozom svježeg mesa od koje je do 75% tarifna linija 0201 20 30 00 (prednja četvrt). Smanjenje otkupne cijene tove stoke je samo jedan u nizu problema sa kojim se suočavaju domaći proizvođači, obzirom da se zbog ponude jeftinog mesa iz uvoza, praktično stala potražnja utovljene stoke iz domaće proizvodnje. Ukoliko se nastavi ovakav tempo uvoza i u narednim mjesecima 2019. godine evidentno je da će uvoz ove kategorije mesa ponovo nadmašiti uvoz iz prethodne godine, i količinski i vrijednosno

Imajući u vidu izuzetno nepovoljnu situaciju na domaćem tržištu, Udruženje poljoprivrednika BiH smatra da je potrebno hitno uvesti mjeru zaštite domaće proizvodnje na period od najmanje 60 dana, i to uvođenjem dažbine na uvoz govedeg mesa za dvije tarifne oznake po kojima je realizovan najveći uvoz u periodu od 2012. do 2018. godine i osam (8) mjeseci 2019. godine, i to:

- tarifna oznaka 0201 20 30 00 - govede meso, svježe ili rashlađeno, neraskomadane ili raskomadane prednje četvrtine
- tarifna oznaka 0201 20 30 10 - govede meso, svježe ili rashlađeno, neraskomadane ili raskomadane prednje četvrtine.

22.20.2019.

Sarajevo

Predsjednik udruženja

